

KERATAN AKHBAR

TARIKH : 29 JULAI 2023
AKHBAR : HARIAN METRO
MUKA SURAT : 26

RON95, diesel: Tiada perbincangan turun harga

RON95, diesel: Tiada perbincangan turun harga

Putrajaya: Tiada sebarang perbincangan mengenai cadangan untuk menurunkan harga runcit bahan api RON95 dan diesel buat masa ini, kata Menteri Ekonomi, Rafizi Ramli.

“Saya tidak pernah dengar dan tiada sebarang perbincangan berhubung cadangan menurunkan harga RON95 dan diesel,” katanya pada sidang media selepas Majlis Pengumuman Dapatan Survei Pendapatan Dan Perbelanjaan Isi Rumah 2022 di sini, semalam. Rafizi berkata, langkah

menurunkan harga minyak memabitkan keputusan Kementerian Kewangan (MOF) memandangkan perkara itu melibatkan nilai subsidi.

“Sehingga sekarang iaitu tujuh bulan pelbagai perbincangan berkaitan ekonomi dalam kerajaan, tidak pernah sekali pun disebut mengenai cadangan menurunkan harga bahan api.

“Mungkin MIDF Research boleh jelaskan di manakah maklumat ini diperoleh,” katanya pada sidang media yang turut dihadiri oleh Ke-

tua Perangkawan, Datuk Seri Dr Mohd Uzir Mahidin.

• MIDF Research dalam satu nota penyelidikan minggu ini berkata, kerajaan dijangka mempertimbangkan untuk menurunkan harga runcit bahan api dalam jangka terdekat ini, terutama RON95 dan diesel, mengambil kira inflasi makanan yang terus meningkat, selain tekanan ke atas pendapatan pengguna.

Dalam notanya itu, MIDF Research menganggarkan, jika kerajaan menurunkan harga RON95 sebanyak 10

sen kepada RM1.95 seliter bulan depan, kadar inflasi utama Malaysia dijangka susut kepada 2.9 peratus bagi 2023 memandangkan inflasi bukan makanan terus menyederhana kepada 1.3 peratus, manakala inflasi pengangkutan akan menguncup sebanyak 1.7 peratus.

Ia berkata, menjelang akhir tahun ini, pemotongan 10 sen itu akan menjadikan kadar inflasi tahunan lebih rendah kepada 1.9 peratus tahun ke tahun, bermakna bahawa

kerajaan akan mempunyai tambahan RM4.31 bilion untuk perbelanjaan fiskal, yang boleh digunakan untuk matlamat lain.

“Selain itu, kerajaan akan mempunyai ruang fiskal lebih baik, memandangkan nisbah hutang fiskal berbanding Keluaran Dalam Negara Kasar (KDNK) telah susut kepada 59.3 peratus pada suku pertama 2023 dan mengambil kira liabiliti luar jangka, angka terkini adalah 76.1 peratus,” katanya.